



Broj: 02-04-3-394

Goražde, 30.12.2020.godine

Na osnovu člana 72. stav 3 Zakona o javnim nabavkama ("Službeni glasnik BiH" br. 39/14) i člana 89 Statuta Grada Goražda ("Službene novine Grada Goražda" br.5/18), u postupku javne nabavke vatrogasnog motornog vozila za potrebe Službe za zaštitu od požara Udruženje "Dobrovoljno vatrogasno društvo" Goražde, Gradonačelnik Grada Goražda, donosi:

ODLUKU
o dodjeli ugovora drugorangiranom ponuđaču

Član 1.

DODJELJUJE SE Ugovor o nabavci i isporuci vatrogasnog motornog vozila za potrebe Službe za zaštitu od požara Udruženje "Dobrovoljno vatrogasno društvo" Goražde, drugorangiranom ponuđaču sa liste uspješnih kandidata, A.C.I. doo iz Sarajeva (broj ponude: 1-16-03-2020 od 15.6.2020.godine, Izvještaj o toku i završetku E-aukcije od 6.8.2020.godine) za ukupnu cijenu bez PDV-a u iznosu od 235.300,00 KM, iz razloga što najpovoljniji ponuđač MIPEX AUTO RS doo iz Banja Luke je odbio zaključiti ugovor pod uslovima navedenim u tenderskoj dokumentaciji i ponudi koju je dostavio.

Član 2.

Ugovorni organ će dostaviti prijedlog Ugovora drugorangiranom ponuđaču, najkasnije u roku od 20 dana od prijema ove odluke.

Drugorangirani ponuđač je obavezan u roku od 10 (deset) dana od prijema ove odluke, dostaviti ugovornom organu-komisiji u originalu ili ovjerenoj kopiji dokaze lične sposobnosti propisane u tački 1.4. od (a) do (d) strana 6 tenderske dokumentacije, ne starije od 3 (tri) mjeseca od momenta dostavljanja ponude i ovjerenu kopiju Bilansa stanja i Bilansa uspjeha za 2018. i 2019.godinu.

Član 3.

Ova odluka će se objaviti na web-stranici Grada Goražda istovremeno s upućivanjem drugorangiranom ponuđaču.

Član 4.

Za izvršenje ove odluke zadužuje se nadležna komisija.

O b r a z l o ž e n j e

Odlukom rukovodioca ugovornog organa broj: 02-04-3-394 od 28.1.2020.godine pokrenut je otvoreni postupak javne nabavke vatrogasnog motornog vozila za potrebe Službe za zaštitu od požara Udruženje "Dobrovoljno vatrogasno društvo" Goražde. Obavještenje o nabavci broj: 413-1-1-13-3-15/20 je objavljeno na portalu javnih nabavki dana 4.5.2020. godine i „Službenom glasniku BiH“ broj: 26 od 8.5.2020.godine.

Procijenjena vrijednost javne nabavke bez PDV-a iznosi 300.000,00 KM.

Komisija za provođenje postupka predmetne nabavke imenovana je Rješenjem Gradonačelnika Grada Goražda broj: 02-04-3-394 od 28.1.2020.godine

Komisija je rukovodiocu ugovornog organa dostavila Zapisnik broj: 02-04-3-394 od 28.12.2020.godine, uz preporuku o dodjeli ugovora drugorangiranom ponuđaču sa liste uspješnih kandidata: A.C.I. doo iz Sarajeva za ponuđenu ukupnu cijenu bez Pdv-a u iznosu od 235.300,00 KM, koji ujedno predstavlja Izvještaj o radu komisije.

U postupku, prema Zapisniku je utvrđeno slijedeće:

Nakon okončanja žalbenog postupka i prijema Rješenja URZŽ Filijala Mostar broj: JN2-03-07-1-2451-8/20 od 16.11.2020.godine, kojim je odbijena Žalba najpovoljnijeg ponuđača MIPEX AUTO RS doo iz Banja Luke, a nakon toga i Rješenja URZŽ Filijala Mostar br. JN2-03-07-1-2451-12/20 od 30.11.2020.godine kojim se odbija Prijedlog za obnovu postupka najpovoljnijeg ponuđača MIPEX AUTO RS doo iz Banja Luke, Komisija je najpovoljnijem ponuđaču uputila zahtjev za dostavu podataka o vatrogasnom motornom vozilu (broj šasije i broj motora) koje je ponudio u svojoj ponudi br.2020-19 od 16.6.2020.godine, a koji su sastavni dio ugovora i ujedno jedan od uslova za zaključenje ugovora.

Na zahtjev za dostavu podataka, MIPEX AUTO RS doo iz Banja Luke je dostavio Odgovor, bez broja od 30.11.2020.godine, i izjavio da tražene podatke o vatrogasnom motornom vozilu ne može dostaviti u ostavljenom roku od 10 dana, već u roku od 90 dana od narudžbe vozila.

Zbog ovakvog stava najpovoljnijeg ponuđača, komisija je pribavila savjetodavno mišljenje od Agencije za javne nabavke BiH broj: 04-02-1-2397-2/20 od 1.12.2020.godine, jer udovoljavanje zahtjevu izabranog ponuđača bi zahtijevalo izmjenu uslova iz tenderske dokumentacije, što je u ovoj fazi postupka protivno odredbama Zakona o javnim nabavkama.

Nakon prijema akta od Agencije za javne nabavke, Komisija je ponuđaču MIPEX AUTO RS doo iz Banja Luke ostavila dodatni rok od 7 (sedam) dana za dostavu podataka o vatrogasnom motornom vozilu (broj šasije i motora) koje je ponudio u svojoj ponudi.

Međutim, najpovoljniji ponuđač ni u naknadno ostavljenom roku nije dostavio tražene podatke o vatrogasnom motornom vozilu, iako je upozoren da će se predmetni ugovor dodijeliti drugorangiranom ponuđaču sa liste uspješnih kandidata, ukoliko ne postupi u skladu sa uslovima i zahtjevima iz tenderske dokumentacije i ponude koju je dostavio, odnosno ne dostavi tražene podatke koji su potrebni za predmetni ugovor.

Također, Komisija je konstatovala da su ponuđaču MIPEX AUTO RS doo iz Banja Luke uslovi za dodjelu predmetnog ugovora bili poznati od momenta preuzimanja tenderske dokumentacije, te da u toku postupka najpovoljniji ponuđač nije tražio izmjenu tenderske dokumentacije u pogledu zahtjeva i uslova za dodjelu ugovora.

S druge strane, navedeni ponuđač u svojoj ponudi broj i datum prethodno navedeni je dostavio potpisan i ovjeren Nacrt ugovora i Obrazac za dostavljanje ponude (Aneks 2) tenderske dokumentacije, čiji sastavni dio je ovjerena Izjava ponuđača, u kojoj izjavljuje, stav 1: „U skladu

sa sadržajem i zahtjevima tenderske dokumentacije broj: 02-04-3-394, ovom izjavom prihvataamo njene odredbe u cijelosti, bez ikakvih rezervi ili ograničenja.

Stav 2.Ovom ponudom odgovaramo zahtjevima iz tenderske dokumentacije za isporuku roba, u skladu sa uslovima utvrđenim u tenderskoj dokumentaciji, kriterijima i utvrđenim rokovima, bez ikakvih rezervi ili ograničenja.

Dakle, ponuđač je svojom vlastitom voljom prihvatio uslove iz tenderske dokumentacije, a shodno tome i uslove za zaključenje predmetnog ugovora.

Uvidom u dokumentaciju komisija je utvrdila, da je izabrani ponuđač MIPEX AUTO RS doo iz Banja Luke dana 21.8.2020.godine zaprimio Odluku o izboru najpovoljnijeg ponuđača i dodjeli ugovora br.02-04-3-394 od 14.8.2020.godine. Dakle, prije skoro četiri mjeseca ponuđač je bio obaviješten da mu je dodijeljen predmetni ugovor.

Na osnovu toga, komisija je zaključila da je ponuđač imao sasvim dovoljno vremena da pribavi i blagovremeno dostavi tražene podatke.

Prema Izvještaju o toku i završetku E-aukcije najpovoljnija je bila ponuda ponuđača MIPEX AUTO RS doo iz Banja Luke sa ukupnom cijenom bez PDV-a u iznosu od 235.000,00 KM, a drugorangirana, ponuda ponuđača A.C.I. doo iz Sarajeva sa ukupnom cijenom bez PDV-a u iznosu od 235.300,00 KM. (dokaz:Izvještaj o toku i završetku E-aukcije od 6.8.2020.godine)

Na osnovu utvrđenih činjenica, a obzirom da izabrani najpovoljniji ponuđač MIPEX AUTO RS doo iz Banja Luke nije dostavio podatke o vatrogasnom motornom vozilu koje je ponudio u svojoj ponudi broj i datum prethodno navedeni, koji su potrebni za prijedlog ugovora i uslov utvrđen u tenderskoj dokumentaciji, članovi komisije u skladu sa članom 18. tačka f. Uputstva za pripremu modela tenderske dokumentacije i ponuda, jednoglasno su predložili Gradonačelniku Grada Goražda, da u skladu sa članom 72.stav3 ZJN, Ugovor o nabavci i isporuci vatrogasnog motornog vozila za potrebe Službe za zaštitu od požara udruženje „Dobrovoljno vatrogasno društvo Goražde, dodijeli drugorangiranom ponuđaču sa liste uspješnih kandidata, A.C.I. doo iz Sarajeva za ponudenu ukupnu cijenu bez Pdva u iznosu od: 235.300,00 KM..

U postupku donošenja ove odluke, posebno su cijenjene činjenice da je komisija provela zakonom propisanu proceduru, da je postupila transparentno, te da se prema ponuđačima odnosila jednako i nediskriminirajuće, s ciljem najefikasnijeg korištenja javnih sredstava u vezi s predmetom nabavke.

U postupku ocjene provedenog postupka, rukovodilac ugovornog organa nije našao razloge, nepravilnosti, niti propuste u radu, koji bi eventualno bili osnov za neprihvatanje preporuke komisije za predmetnu javnu nabavku.

Naprotiv, u postupku je ocijenjeno da je komisija u svemu pravilno postupila i da je prijedlog za dodjelu ugovora drugorangiranom ponuđaču, zasnovan na Zakonu o javnim nabavkama BiH, podzakonskim, internim aktima i tenderskoj dokumentaciji.

Uvidom u priloženu dokumentaciju, nesporno je da prvobitno izabrani najpovoljniji ponuđač MIPEX AUTO RS doo Banja Luka nije dostavio tražene podatke o vatrogasnom motornom vozilu koje je ponudio u svojoj ponudi br. 2020-19 od 16.6.2020.godine, koji su potrebni za predmetni ugovor i uslov postavljen u tenderskoj dokumentaciji.

Također, je nesporno da je prema Izvještaju o toku i završetku E-aukcije drugorangirani ponuđač sa liste uspješnih kandidata A.C.I. doo iz Sarajeva, sa ukupnom cijenom ponude bez Pdv-a u iznosu od 235.300,00 KM.

Na osnovu utvrđenih i naprijed navedenih činjenica, u skladu sa članom 72.stav 3.tačka f) ZJN BiH odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi, putem ugovornog organa, u pisanoj formi direktno ili preporučeno poštanskom pošiljkom, na adresu: Grad Goražde, Ul.MaršalaTita 2 Goražde 73000. Žalba se podnosi u 5 primjeraka.

DOSTAVITI

1. A.C.I. doo,
2. web stranica,
3. Pravobranitelj Grada Goražda,
4. U dosije,
5. a/a

GRADONAČELNIK
Ernest Imamović

